

Saeh Iq Mbouj Iq

小事不小

“Dinglingling……” Sing lingz nauhcung hawj gou daj ndaw loq ndiu daeuj, gou nunu lwgda, saedcaih mbouj siengj hwnqdaej, caiq ninz yaep ndeu ba. Gou gven nauhcung, dajsuenq gvaq yaep ndeu caiq hwnq.

“A, mwngz baenzlawz lij caengz hwnq? Baehag yaek gvaiz lo, haeuxcaeux gwn mbouj gib lo, vaiqdi vaiqdi……” Daxmeh itmienh raemh itmienh biengj denz gou. Gou sikhaek singj lo, ganjvaiq daenj buh cat heuj swiq naj. “Mbouj miz seizgan lo, haeuxcaeux youq gwnz ci gwn ba. Mwngz danghnaeuz caeux di hwnq couh mbouj yienghneix ganj lo……” Daxmeh youh ienq lo, ganjip aemq daehsaw, ciep gvaq mienhbau caeuj cijvaiz daxmeh ndenq gvaqdaej haenx, roengzrengz riengz hwnj yamqdin daxmeh.

Mwh yaek daengz hagdangz, haeuxcaeux cungjsuenq gwn liux lo, gou yawj aen daeh coux mienhbau haenx uq gjj ciengqmak, siengj dwk danghnaeuz daengq ci deng uq, youh deng daxmeh naeuz lo, gaem ndaw fwngz youh lau yaep he roengz ci buh gou deng uq, yienghneix couh ngauz cuengci roengz, swnhfwngz vut okbae. “Wt——” mbat sab ci ndeu, daxmeh youq henx loh dingz roengzdaej, naeuz: “Bae dawz nyapnyaj haxbaenh mwngz vut haenx gip dauqma.” “Meh, gou yaek daengz gvaiz lo!” Gou coi daxmeh. “Mbouj ndaej! Bae gip dauqma.” Gou yawj daxmeh mbouj lumj gangriu, cijnde buet bae gip dauqma. “Gaemdawz daengz bakdou hagdangz caiq vut roengz doengjnyapnyaj bae!” Daxmeh caen raemhraex, di saeh neix

nanzdauh beij gou baehag daengz gvaiz youqgaenj ha? Gou miz di siengj mbouj doeng, hoeng daxmeh mwh fatheiq hix gig dwglau, gou cijnde ciuq guh.

Banhaemh cuengqhag, daxmeh daeuj ciep gou, gou raen baiz daengq baihlaeng gyaq ci lai aen doengnyapnyaj iq ndeu. Daxmeh raen gou ngeizvaeg, riunyumj cam gou: “Gyanghaet baehag gvaiz lwi?” “Caeklaiq gou buet ndaej vaiq, ceng di ndeu couh daengz gvaiz lo, danghnaeuz mwngz mbouj heuh gou roengz ci gip nyapnyaj, couh mbouj yungh baenzneix ganj lo.” Daxmeh raen gou miz di ienq de, riuriu le, mbouj gangj vah.

Ma daengz ranz, daxmeh rag gou naengh roengzdaej, doiq gou gangj: “Daxmeh gag genjdauj mbat he, gou mbouj naemj daengz mwngz naengh baihlaeng gwn doxgaiq mbouj miz dieg vut nyapnyaj, ndigah gou ngoenzneix daegdaengq cawx doengjnyapnyaj caeuj daehnyapnyaj, baezlaeng mbouj ndaej caiq vut nyapnyaj ok rog ci bae lo.” Gou roxnyinh gig geizheih, daxmeh bingzseiz ragraix caebzienh, vihmaz ngoenzneix gou cijdwg vut aen daehsuli ndeu ok rog ci bae, couh baenzneix yiemzsuk caeuj nyinhcaen ne? Daxmeh lumjdwg yawj ok gjj ngeizvaeg gou, cam gou: “Mwngz rox moix bi miz geijlai bouxbaetgai aenvih daengz gyang loh baet nyapnyaj cix deng ci daemj dai bae lwi?” Gou bibi gyaeuj. Daxmeh ciep dwk naeuz: “Miz haujlai vunz youq mwh hai ci daj ndaw ci vut nyapnyaj ok rog ci bae, mboujdanh hawj aen



singz uq, youq gwnz goengloh gauhsuz caemhcaiq ndaej yinxhwnj oksaeh. Bouxbetgai ndaw singz dingzla dwg nienzgeij haemq laux, hengdoengh mbouj riengj geijlai, vihliux cingleix gjj nyapnyaj vunzlai swnhfwngz vut ok rog ci haenx, youq gwnz loh ci bae ci dauq haenx gig yungzheih oksaeh.” Gou sawqmwh roxnyinh najmong, mbouj siengj daengz vut nyapnyaj ok rog ci gienh saeh iq neix ndaej yinxhwnj hux baenzneix hung. Gou naeuz: “Meh, gou rox loek lo, gou baezlaeng mbouj caiq vut doxgaiq ok rog ci bae lo.” Daxmeh riu dwk ngaek gyaeuj coh gou.

Laxlawz saeh iq mbouj iq.

Doenggvaq gienh saeh neix, gou roxdaengz vut doxgaiq ok rog ci aq ok saeh hung, hix roxdaengz le bouxbetgai sinhoj caeuj mbouj yungzheih. Gyaezhoh vanzging, gangj goengdaek sevei, daj gou guh hwnj, daj seizedneix guh hwnj. Danghnaeuz bouxbouz cungj guh daengz mbouj vut nyapnyaj ok rog ci bae, couh ndaej sawj bouxbetgai mienx oksaeh, aensingz raeuz couh engqgya seuqsak, saedceij vunzlai couh itdingh engq gyaunde!

(*Gyanghsuh Cangzcouh Si Yanghbinhhuz Siujoz Hoz Cunghan*)



Gou soqlaiz cungj dwg genjgwn, vihliux gajj cungj sibgvenq mbouj ndei gou neix bae, daxboh daxmeh heuh daxdaiq daeuj, hai baez hoih ndawrancz ndeu.

Daxboh gangjyah gonq: “Lij Gyahcwnz doengztag genjgwn gig youqgaenj, ngoenzneix daegdaengq hai hoih ndawrancz. Seizneix haindug haihoih, cingj daxdaiq Gyahcwnz

gangjyah.”

“Lan ha, gou mwh iq ndaw ranz hoj lai, gingciengz bae ra byaekcw x daeuj gwn, lienz aen manzdouz hau ndeu cungj mbouj miz gwn, engq gaej dwen gwn noh lo. Bingzciengz, ranz lawz danghnaeuz miz noh gwn, gjj feihhom neix ha, ndaej cienz daengz byongh aen mbanj. Mwh soucingz mbouj ndei, ngoenz ndaej gwn donq

Hoih Ndawrancz

家庭会议

ndeu suenq ndei lo. Gizlawz lumj seisneix, ngoenzngoenz cungj miz noh miz bya gwn, mwngz lij ngoenzngoenz genjgwn.” Baez dwen daengz gjj ginglig deng iek, daxdaiq couh haindug gikdoengh lo.

Ciep roengzdaej dwg daxmeh gangjyah lo: “Gou mwh iq beij mwh daxdaiq ndei di. Gou mbouj deng iek lo, ngoenzngoenz ndaej gwn imq, hoeng, ciengzseiz dwg haeux caemj byaekhamz gwn, noh ne, mbouj dwg gvaq ciet cungj raen mbouj daengz. Mwngz yawj mwngz seisneix, doxgaiq gwn daihbaj, couh lienz saejdaeuz hix dwg lai cungj lai yiengh.”

Daxdaiq caeuj daxmeh itmienh baij saedsaeh gangj dauhleix, itmienh lij mbouj lumz naeuz gou. Daxboh nyaenx haemq nanz le hix ndwn

okdaej lo: “Daxmeh ngoenznaengz sinhoj cawj haeux hawj mwngz, noh byaek dapboiq ndei, yingzyangi yienghyiengh miz, mwngz lij genj sam genj seiq, gjjneix mbouj gwn, gjjhaenx mbouj gwn. Hawj mwngz ma daengz aen nienzdaih daxdaiq, deng iek yawjyawj, mwngz couh mbouj baenzneix nanz fugaeh lo!”

Aen nienzdaih daxdaiq liz gou gig gyae, gjj gamjsouh gwn mbouj imq haenx dauqdaej baenzlawz yiengh, gou dwg mbouj miz banhfap siengjsieng. Hoeng, ndaej haengjdingh haenx dwg, raeuz miz gjj gwndaenj ngoenzneix mbouj yungzheih, wnggai daegbied insik.

(*Hoznanz Cwngcouh Si Ginh-suij Gih Ausinh Gozci Yozyau Lij Gyahcwnz*)